

**FUAFUAGA TATAU MO LE VAA'IA  
LELEI O I'A MA FIGOTA**

*Saleapaga*

( Aso 07 Tesema 2001)

Saunia:

Pule mamalu a Alii ma Faipule ma tagatanuu o le Afioaga o Saleapaga ma le Lagolagosua a le Vaega o Faigafaiva o le Matagaluega o Faatoaga ma Faigafaiva.

# FAASOLOGA

<b>Upu Tomua : Komiti mo le Vaaia Lelei o I'a ma Figota (KFVL)</b>	<b>3</b>
<b>1. FAAMATALAGA O LE AFIOAGA</b>	<b>5</b>
<b>2. TULAFONO I ASO UA MAVAE</b>	<b>7</b>
<b>3. O LENEI FUAFUAGA TATAU</b>	<b>7</b>
<b>4. FUAFUAGA FAATAATITIA</b>	<b>8</b>
4.1 Faamalosia tulafono faa-le-nuu e faasaina ai faigafaiva-le-talafeagai	9
4.2 Faasaina upega ma tili matanini'i	10
4.3 Faasaina faigafaiva mai isi Afioaga	10
4.4 Taofia le taina o laau i autafa o vaitafe	11
4.5 Faasaina le fagotaina mai o i'a ma figota laiti	11
4.6 Alamea: Aoina mai uta ma faatamaia	12
4.7 Faasaina fagotaga e faaogaina ai fagu'ea	13
4.8 Faasaoina se vaega o le gataifale o Saleapaga	13
4.9 Faasalalau tulafono a le Afioaga	13
4.10 Ia iloiloina le tulaga talafeagai o le Gataifale ma le Vai mo le faafaatoagaina o i'a ma figota	14
4.11 Ia faaogaina le Mana o Talosaga	15
4.12 Ia unaia faigafaiva i tua'au ma aoaoga mo faigafaiva	16
<b>5. TALOSAGA</b>	<b>16</b>
<b>6. TOE ILOILOINA O LE POLOKALAME</b>	<b>17</b>

### Upu Tomua

O lenei fuafuaga o le Pulega o le Siosiomaga o le Gataifale ma le Va'aia Lelei o i'a ma figota ua saunia e le Pule Mamalu a Alii ma Faipule ma tagata o le afio'aga o Saleapaga faatasi ai ma le fesoasoani lagolago a le Vaega o Faigafaiva o le Matagaluega o Faatoaga ma Faigafaiva.

### Sui o le Komiti mo le Va'aia Lelei o i'a ma figota (KFVL):

*O sui Komiti o le Aifoaga mo le Faasao o le Gataifale.*



Fiu Paese, Utulu Ki, Tauasili Moana, Lolofia Falea, Uialatea Faafetai,  
Mapu Faaifo, Lopa'u Sia, Ueta

- | Matai                      | Taulele'a        |
|----------------------------|------------------|
| 1 Tauasili Moana (Pulenuu) | Ueta Pene        |
| 2 Fiu Paese                | Samasoni Salevao |
| 3 Lopa'u Siā               | Pelesala Sagano  |
| 4 Malalatea Ligo           |                  |
| 5 Utulu Ki                 |                  |
| 6 Mapu Faaifo              |                  |
| 7 Lolofia Faleā            |                  |
| 8 Uialatea Faafetai        |                  |
| 9 Utulu Konelio            |                  |

Sui Auai o le Afio'aga (Faatalatalanoaga i Vaega):

O le sauniga o le Tusi Taiala sa faatinoina lea ia Tesema 2001. I lea vaietimi na faatinoina ai ni faatalatalanoaga ma vaega eseese o le Afioaga. O se faataitaiga (ft.) o le vaega o Matai, Tina ma Aumaga. O le faatalatalanoa o vaega eseese ia na faailoa mai ituaiga faigafaiva eseese o loo faatinoina e vaega taitasi. Na faailoaina ai foi faafitauli o loo feagai ma le Gataifale o le afioaga. Na faailoa ai foi mafua'aga o ia faafitauli, o ona aafiaga, a'o a foi ona fofo.

O le aoga o le tuu eseeseina o vaega nei o le Afioaga, ina ia mafai ai ona tuu avanoa i tagata eseese. O le talitonuga a le Ofisa o Faigafaiva e mau-eseese lava tagata, pe tofu le tagata ma lona foi ia taofi. O nei lava la taofi e aoga uma mo le susesueina o se tali maumaututu mo se faafitauli o loo faafeagai ma le gataifale o le Afioaga. O nei faatalatalanoaga i vaega eseese e maua mai ai le maliliea i se fofo mo ni faafitauli o loo iai nei i le Gataifale.

O se faataitaiga: O le laiti o ia maua i faiva i nei vaietimi o se faafitauli lea. O le mafuaga o le faafitauli o le soona fagota o le gataifale. O se fofo la mo le faafitauli o le faasaina o se vaega o le gataifale, faapea ai ma le faasaina o fagotaga mai isi afioaga e ese mai Saleapaga.

O le lisi o loo i lalo o loo faailoa mai ai sui o le Afioaga na auai i ia faatalatalanoaga faa-le-vaega.

Vaega Matai	Vaega Aumaga	Vaega Tina
1 Falanaipupu Emau	1 Kolokota Fili	1 Suamalie Ui
2 Uialatea Laulau	2 Ueta Pene	2 Naomi Lesa
3 Fata Agamalie	3 Sosi Asosi	3 Vau
4 Uialatea Faaaliga	4 Peni Maka	4 Rasela
5 Tuula Sua	5 Komiti Agalenuu	5 Taua
6 Puletiu Povalu	6 Kueva Legalo	6 Alaga
7 Lolofie Falea	7 Iulai Salesa	7 Fuapine
8 Mataafa Fouina Sls.	8 Taelega Mato	8 Tuna
9 Tautai Talivale		9 Falo Lolofie
10 Tipitaai Mania		10 Naiuli
		11 Sina
		12 Paapaia
		13 Mina
		14 Sauleoge
		15 Fiasili
		16 Silia

Sui o le Ofisa o Faigafaiva:

Igoa	Tulaga i le Ofisa
1 Nanai Tanielu Su'a	Faatonu Lagolago o Faigafaiva
2 Mulipola Atonio	Faauluuluga Vaega o Faigafaiva
3 Etuati Ropeti	Faauluuluga Vaega Faufautua i Nuu
4 Autalavou Taua	Ofisa Sinia Faigafaiva
5 Lupematasila Solomona	Alii Ofisa mo le Vafealoai ma Nuu

6	Mikaele Lafaele	Alii Ofisa Faigafaiva
7	Faataui Sione	Alii Ofisa Faigafaiva
8	Kaisara Liu	Alii Ofisa Lagolago Faigafaiva
9	Tauvae Sua	Alii Ofisa Lagolago Faigafaiva
10	Ulusapeti Tiitii	Tamaitai Ofisa Lagolago Faigafaiva
11	Aa Mauletaua	Tamaitai Ofisa Lagolago Faigafaiva
12	Mataitusi Gaumatau	Tamaitai Ofisa Lagolago Faigafaiva

## 1: FAAMATALAGA O LE AFIOAGA

O le pusa o loo tusiina atu i lalo o loo faamauina ai faamaumauga ma faamatalaga e uiga i le Afioaga ma lona Gataifale. O nei faamaumauga na mafai ona faatinoina i le vaitaimi na tatalaina ai le Faasao a Saleapaga. O faamaumauga la nei e mai le tausaga 2001.

### FAALAUATELE

1	Faamatalaga		Aofaiga
	O le faitau aofai o tagata o lenei alalafaga		1700 - 2000
	O le aofai o aoga i totonu o lenei afio'aga	Tulagalua	1
	O le aofai o Falesa i totonu o le afio'aga	Katoliko	1
		EFKS	1
	O le umi o le aau o le afio'aga (mita)		400m
	O le mamao o le aau mai le matafaga (mita)		100 - 200m
	O le loloto (futu) o vaega e aupito sili ona loloto o le aloalo pe a pe le tai.		6 ft

### FAIGAFAlVA

2	Faamatalaga	Aofaiga
	O le faitau aofai o tane faifaiva	> 20
	O le faitau aofai o tina faifaiva	> 10
	O le aofaiga o tagata e fagogota i tuaau	5
	O le aofaiga o paopao	1
	O le Aofaiga o Alia fagota	1
	E faatagaina tagata mai isi afioaga e fagogota i le Gataifale o Saleapaga.	LEAI

### FAIGAFAlVA

O le pusa i lalo o loo faamatalatala mai ai faamaumauga na faia e le Ofisa o Faigafaiva mai faamatalaga po'o mau foi na tuuina mai i le mamalu o le Afioaga.

E lua ni vaega na suesueina mai i tagata o le Afioaga. O i'a ma figota. I le vaega o i'a na faamauina mai ni faamatalaga i le ituaiga i'a o loo maua soo i fagototaga. O loo iloa mai ai foi le ituaiga faigafaiva e maua mai ai ituaiga i'a eseese. O le vaega mulimuli ma le taua o le eseese o le taimi na manaomia i aso ua te'a e fagotaina ai ituaiga i'a eseese ma lona suiga ua iai i lenei vaitaimi.

Ua faailoa mai i le vaega mulimuli o le pusa le eseese o taimi e fagotaina ai ia i'a eseese mai aso ua mavae atu ma aso nei.

3				
	I'A			
1	Filoa	afa tatao	2 itula	30 minute
2	Pusi	faga pusi	1 itula	30 minute
3	Anae	upega	2 itula	30 minute
4	Laea	mata	2 itula	1 itula
5	Ume	lama	2 itula	1 itula
	FIGOTA			
1	Aliao	lama	3 itula	1 itula
2	Faisua	fasi faisua	3 itula	1 itula
3	Alili	lama	3 itula	1 itula

1	Sulu aulama	fe'e	3 itula
2	U'au'a	pusi	3 itula
3	Seuseu	tuitui	2 itula
4	Matau	vaga	2 itula
5	Toso	sea	2 itula

**Vaega Taua o le Siosiomaga mo Faigafaiva**

1	Togatogo	Leai se Togatogo	Leai se Togatogo
2	Amu	½ o le a'au	A'au atoa
3	Vaovao o le sami	A'au atoa	Leai se vaovao

## 2: TULAFONO I ASO UA MAVAE MA ASO NEI

Faasaina o faigafaiva le talafeagai:

- Fanaia
- Ava niukini
- Vailaau oona

O nei tulafono sa faasalalauina i le Leitio (SBC 540)

O nei tulafono o loo faamamaluina ma amanaiaina e pei ona sa i ai i le taimi muamua faatoa faamamaluina ai i totonu o le afioaga o Saleapaga. Ae peitai e le'o mamalu i nei vaitaimi ona o le le amaiaina o isi tagata o le afioaga atoa ai ma isi afioaga o nei tulafono.

O nisi o mafuaaga e pei ona taua e aofia ai:

- Leai ose lagolago mai o le Malo.
- O nisi o tagata o loo mafaufau mo le taimi nei ae le mafaufau i le taimi oi luma faapea foi le lumanai o tupulaga.

O nei mafuaaga o loo aafia i le Fuafuaga mo le Pulega o le siosiomaga o ;le Gataifale ma le Vaaia lelei o i'a ma figota.

E le gafatia na o le malosi faaletulafono a le Malo ona malu puipuia ai le siosiomaga o le gataifale ma ona tamaoaiga. E utiuti tulaga tau tupe ma toagaogao foi le afaigaluega a le malo latou te faamalasia ma unaia tulafono tau faigafaiva i nuu taitasi o Samoa. O le fofu talafeagai o loo i aao o tagata o loo soifua ma alala i le afioaga faatasi ai ma le faamalalumaluga a le fonu a Alii ma Faipule. O lenei tali o le a le pine ona unaia tagata latou te galulue faatasi ina ia malupuipuia ina ma faaleleia le siosiomaga o le gataifale ma ona tamaoaiga mo nei ma tupulaga o le lumanai

## 3: O LENEI FUAFUAGA TATAU

### Autu

O lenei fuafuaga ua taua ai ni faitioga e manaomia ina ia maua ai sona taunuuga maumaututu. O le faamoemoe maualuga o le Malo ina ia faaleleia le soifua manuia o tagata o le afio'aga,ma ia faatupulaia atili mea taumafa mai le sami. O lea e manaomia ai tagata uma ia avea nei faatinoga e puipuia ai le siosiomaga o le gataifale ma ia fuafua tatau ai le fagotaina o i'a ma figota. O nei fuafuaga na fa'aalia e le Komiti Faufautua o le Vaaia Lelei o i'a ma figota (KFVL) i le afioaga e avea ma autu. "Ina ia puipuia le siosiomaga o le gataifale ma le toe faatupulaia o ia ma figota mo tupulaga o le lumanai"

Ua ioeina e le fonotaga a le Komiti Faufautua mo le Vaaia Lelei o ia ma figota (KFVL) i le aso 22 Novema 2001. O le Komiti lava lenei latou te faamalasia ma unaia vaega eseese uma o le afioaga aua le puipuia ma le faasaoina o atinae ma alamanuia o le gataifale o Saleapaga. O lenei foi komiti o loo nafa ma le tapenega o tulafono aemaise o vaega uma e tatau mo le fuafuaga tatau. O le tele foi o nei tapenega o le a tuuina atu i le pule mamalu a Alii ma Faipule mo le Pasiaina. O lenei fuafuaga ua faamoemoe

ina ia o’o atu i le tolu tausaga o lo’o faaogaina pea ae peitai afai ae iai se suiga, ua ao loa ona toe suesueina lenei fuafuaga.

#### Tapenaga

O lenei tapenaga sa saunia lava e le Pule mamalu a Alii ma Faipule ma tagata nuu o le afioaga o Saleapaga faatasi ai ma ni fautuaga ma le lagolagosua a le Ofisa o Faigafaiva o le Matagaluega o Faatoaga ma Faigafaiva. O se ootoga lenei o le tapenaga o le pulega o le siosiomaga o le gataifale ma le vaaia lelei o i’a ma figota.

#### *Feiloaiga Muamua:*

O lenei feiloaiga muamua sa faafesootaia lea e le Vaega o Faigafaiva i le aso 23 Oketopa 2001. O le masina o Novema i lona aso e 12 sa tauaofia ai le uluai fono a sui o le ofisa ma le afioaga mo le faamalamalamaina ma le taliaina o lenei polokalame.

#### *Vaevaeina o vaega:*

O vaega sa vaevaeina iai e aofia ai matai, aumaga ma le komiti a tina ma tamaitai. Sa feiloai nei vaega e tolu ma sui o le Ofisa o Faigafaiva ma faatalatalanoaina ai faafitauli o le gataifale o loo alia’e i le afioaga atoa ai ma ni fofu talafeagai e faaono foia ai nei faafitauli.

#### *Komiti Faufautua mo le Vaia Lelei o I’a ma Figota (KFVL):*

O lenei komiti o loo aofia ai sui sa filifilia mai i vaega taitasi latou te molia finagalo faalia o vaega eseese i le fono ale komiti. O le komiti la lenei sa latou tuufaatasia faamaumauga ma faamatalaga mai i nei vaega taitasi ma mafai ai ona latou tapenaina se ata faataitai o le pulega o le siosiomaga o le gataifale ma le vaaia lelei o i’a ma figota. O lenei fuafuaga o loo aafia ai lagona o tagata o le afioaga i le puleaina o faigafaiva ma le siosiomaga o le gataifale.

#### *Tauaofiaga o le Fono Tele:*

O le a tauaofia lenei fono i le aso 07 Tesema 2001 mo le taliaina, fautuaina atoa ai ma se teuteuga o le fuafuaga muamua o le pulega o le siosiomaga o le gataifale ma le vaaia lelei o i’a ma figota. O le a filifilia foi ma se komiti mo le vaaia lelei o i’a ma figota (KFVL) i lenei fonotaga.

#### **4: FUAFUAGA FAATAATITIA**

O fuafuaga faataatitia o ni gaioga ua faamoemoe e faaono foia ai faafitauli ua faaalia mai e vaega eseese o le Afioaga. E lua (2) ituaiga fuafuaga faataatitia ua fuafuaina ma o le fuafuaga ua aupito sili ona taua o:

- Fuafuaga faataatitia ua faaagaga mo nuu poo afioaga.
- Fuafuaga faataatitia ua faamoemoe lea mo le Ofisa o Faigafaiva (O fuafuaga faataatitia mo le Ofisa o Faigafaiva o le tuuina atu lea o fautuaga ma fesoasoani mo le faamoemoe [FAASAO SALEAPAGA])

O gaioga uma lava ua faamoemoe e faatino ai fuafuaga faataatitia mo le Ofisa o Faigafaiva e ao ona faamaonia e le Faatonu Lagolago o le Faigafaiva (Fisheries ACEO).



O nei fuafuaga faataatitia uma ua faamoemoe lo latou faataunuuina i le lagolagosua mai a le afioaga ma ona tagatanuu.

O fuafuaga faataatitia uma o le a leai se aafiaga tuuaso a le Ofisa o Faigafaiva, ua iai le faamoemoe o le a faaauau pea ona tuuina atu ni fesoasoani i le afioaga e ala atu i le faalia o ata video, pepa o faamatalaga atoa ai ma le faia o ni tautalaga i vaega eseese e pei o aoga ma faalapotopotoga faa-le-Ekalesia ma faa-le-aoga.



#### 4.1 Faamalosia Tulafono faale nuu e faasaina ai faigafaiva le talafeagai e pei o fanai'a, ava niu kini ma vailaau oona.

##### Otootoga

O nisi o auala tau faigafaiva ua mautinoa lo latou tulaga ogaoga i le faatamaiaina o le alititai (amu) ma le tele o meaola o le gataifale, ma o se faataitaiga o faigafaiva le talafeagai e pei o vailaau ta-lavalava, ava niu kini ma fanaia.

Ua le gata ina faatamaia ai se vaega tele o le alititai (amu) ae ua faapena foi ona faaumiumi ai se taimi e mafai ai ona toe faatupuina meaola o le gataifale ua aafia ma mamate i nei faigafaiva le talafeagai.

A faaleagaina le Alititai (AMU) o lona o lea leai ni i'a ma ni figota o le a toe maua pe nonofo ai.

##### Fuafuaga faataatitia a le Afioaga.

Talu ai ona o le tulaga pagatia ua iai le Gataifale o lenei Afioaga o Saleapaga o lea ua ae ai se finagalo autasi i le Komiti ua filifilia ina ia matua faamalosia loa tulafono a le Afioaga e faasaina faigafaiva le talafeagai e pei o fanaia, ava niu kini ma vailaau oona. O le puipuiga ma le faamamaluina o nei tulafono o le a i aao lava o le pule mamalu a alii ma faipule faatasi ai ma le lagolagosua a tagata nuu o le afioaga.

##### Fautuaga:

Ia toe faamalosia ma faamamaluina tulafono ua taua i lalo o la Afioaga mo le faasaina o Faigafaiva le talafeagai.

##### Tulafono:

Mo le mamalu ole Atunuu faatasi ai ma tagata nuu o Saleapaga - Ua matua faasaina lava faigafaiva le talafeagai e pei o fanaia, avaniu kini, ma vailaau oona. O le puipuiga ma le faamamaluina o nei tulafono o le a i aao o le Pule mamalu a Alii ma Faipule faatasi ai ma le lagolagosua a tagata o le Afioaga.

##### Faasalaga:

O tagata o le Afioaga e solia lenei tulafono, o le a faasalaina i le \$200.00.

O tagata mai isi Afioaga o le faasalaina i le \$500.00 a le usitaia o le a molia sao i le tulafono Autu a le Malo o Samoa.

Fuafuaga faataatitia a le Ofisa o Faigafaiva.

O le a fesoasoani le Ofisa o Faigafaiva mo le faatinoina o fuafuaga faataatitia a le Afioaga e ala atu i lana polokalame fesoasoani i aoaoga tau faigafaiva.



4.2 la faasaina upega ma tili matanini'i

Otootoga

O le faaogaina o Upega mataninii ua maitauina le tele o ia laiti ua faatamaia ai. Ua iai le talitonuga o le o'o atu i se tulaga faaletonu o i'a maua pe'a faaauauina pea le faaogaina o nei ituaiiga o faigafaiva. O lea o'o ina faaitiitia i'a e mafai ona o'o atu lo latou lapopoa e maua ai le avanoa e fanafanau ma tautuufua ai.

Fuafuaga faataatitia a le Afioaga

Ua faailoa mai e le Komiti (KFVL) o le faaogaina o upega ma tili matanini'i, o se tasi lea o mafuaaga ua faaitiitia ai i'a maua i le gataifale. O lea ua aiaia ai loa se tulafono ina ia faasaina ai upega matanini'i ona toe faaogaina i fagotaga i le gataifale o le afioaga. Ua faapea foi ona faaalua mai e le afioaga lo latou matua lagolagoina o le tulafono a le malo ua iai nei mo le faatapulaaina o mataupega ma tili.

Tulafono:

*"Ua matua faasaina lava ona toe fagotaina upega tatao e i lalo ifo lona lapoa o le lua inisi (2" poo le 50mm) lona mataupega faapea ma tili ia le lalo ifo o le 1.2 inisi (1.2" poo le 30mm) i gataifale o Saleapaga."*

Faasalaga:

O soo se tagata o le afioaga e solia lenei tulafono o le'a faasalaina i le \$200.00. Mo tagata mai isi afioaga o lea faasalaina i le \$500.00, a le usitaia o le'a molia sao i le tulafono faatonutonu a le malo mo le faigafaiva.

Fuafuaga faataatitia a le Ofisa o Faigafaiva:

O se lagolagosua mai a le Ofisa o Faigafaiva e ala i lana polokalame fesoasoani o le tuuina atu o faamatalaga e saga faamautuina ma faamaopoopoina ai lenei tulafono.



4.3 la faasaina faigafaiva mai isi Afioaga.

Otootoga

O fagotaga mai isi nuu e faaogaina ai faigafaiva le talafeagai, e iai ava niu kini, fanaia, vilaaau oona, fa'amoaga ma tuiga, ua mautinoa le matua faaleagaina ai o le gataifale.

Fuafuaga faataatitia a le Afioaga

Ua faaalua mai e le komiti (KFVL) le tataua ona faia o se tulafono e faasa ai le faigafaiva e pei o le faaogaina o faigafaiva le talafeagai, lama moli uila, ma mea manava (scuba diving gears). O le autu moni o lenei tulafono ona o nisi o tagata mai isi afioaga o loo latou aumaia nei faigafaiva ma faatinoina i lo tatou gataifale ma faatamaiaina ai.

**Tulafono:**

*“Ua matua faasaina lava tagata mai isi afioaga ona toe fagotaina gataifale o Saleapaga e faaogaina ai faigafaiva le talafeagai e pei o fanai’a, ava niu kini, vai laau oona, faatasi ai ma le faaogaina o lama moli uila ma mea manava ma soo se ituaiga faigafaiva lava.”*

**Faasalaga:**

O le a molia sao tagata faifaiva mai isi afioaga i le tulafono o faigafaiva.

**Fuafuaga faataatitia a le Ofisa o Faigafaiva**

O le a fesoasoani mai le Ofisa mo le faamalosia ma le faamautuina o lenei tulafono.



**4.4 la faasaina ona toe taina i lalo laau i autafa o vaitafe.**

**Otootoga**

O le taina oi lalo o laau i autafa o vaitafe, ua avea lea ma faapogai o le palapala tafia mai uta ma agai atu i le sami. O nei palapala o loo filogia ai faatasi ai ma nisi o fetilaisa poo faalelei eleele o loo faaogaina e faifaatoaga mo a latou faatoaga. E mafai e le palapala ona faatupuina ai vaovao ma limu ua tele ona ufitia ai amu ma a’au ma ua faaitiitia ai meaola o le gataifale o loo aumau ma faalagolago i lea vaega mo a latou meaai.

**Fuafuaga faataatitia a le Afioaga:**

Ua faalia mai e le komiti faufautua mo le vaaia lelei o i’a ma figota (KFVL), o se tasi lenei o mafuaga ua ala ai ona faaitiitia i’a ma figota. O le manatu o le komiti ua tatau ona faia iai se fuafuaga a le afioaga ae lei o’o ina faateleina ma avea o se tulaga e le mafai ona faia iai se fofo. O lea ua matua fautuaina ai e le komiti tagata o le afioaga o Saleapaga ina ia tofia loa ma faasaina lenei fuafuaga o le taina i lalo o laau i le vaomatua aemaise i autafa o vaitafe.

**Fautuaga:**

*“Ua fautuaina e le komiti le afioaga ina ia faitiitia le soona taina i lalo o laau i tafatafa o vaitafe o lenei afioaga o Saleapaga.”*

**Fuafuaga faataatitia a le Ofisa o Faigafaiva:**

O le’a mafai ona faia pea ni tautalaga ma ni polokalame faa-le-aoaoga ina ia faamalamalaina ai atili tulaga uma e ono foia ai le faafitauli ua taua i luga.



**4.5 la faasaina ona toe fagotaina mai i’a ma figota laititi.**

**Otootoga**

O le fuafua tatau o le fagotaina mai o i’a ma figota o se itu lelei tele ma talafeagai lea mo le faasoina ma le toe faatupulaia o meaola o le gataifale. O lenei fuafuaaga o le a mafai ai ona maua le avanoa e i’a ma figota laititi e tutupu ma fananau ai i le uluai taimi ao lei fagotaina mai. Afai e pueina ma fagotaina mai se i’a poo se figota ae lei oo i le lapoa (matua) e fanafanau ai, o lona uiga ua leai sona sao i le isi augatupulaga e

sosoo ai. Afai la o le a faaauuina pea lea tulaga, o le a saga faaitiitia pea le faitauaofai o i'a ma figota ma faasolo lava ina mou malie ese atu.

Fuafuaga faataatitia a le Afioaga.

Ua faaalia e le Komiti (KFVL) lo latou lagolagoina o le Tulafono Faatonotonu o Faigafaiva ua pasiaina nei o loo aiaia ai fua faatapulaa o le laiti o i'a ma figota e tatau ona fagotaina. Na taua foi o le faamalasia o lenei Tulafono o le a iai pea lea i le pule mamalu a Alii ma Faipule faapea le Pulenuu ma le Komiti. Ua lagolagoina foi e le afioaga le pepa o faam atalaga o loo faaalia ai fua faatapula'a o le laiti o i'a ma figota e fai ma taiala.

Tulafono:

*" Ua matua faasaina ona toe fagotaina ia ma figota laiti mai le gataifale o Saleapaga, e pei ona faaalia i le Tulafono Faatonotonu o Faigafaiva a le Malo."*

Faasalaga:

Mo tagata o le afioa'ga o le solia lenei tulafono, o le a faasalaina i le \$200. Mo tagata mai isi afioa'ga o le a molia sa'o i le tulafono o Faigafaiva a le Malo.

Fuafuaga faataatitia a le Ofisa o Faigafaiva

O le a fesoasoani atu pea le Ofisa i le faamautuina o lenei tulafono ma tufaina atu pepa o faamatalaga o nei tulafono ma faamalamalama atili mo le silafia e le mamalu o le atunuu.



#### 4.6 Ia aoina mai i uta le Alamea ma faatamaia ai.

Otootoga

O le alamea o se meaola o le ituaiga o le aveau ma e nofo i luga o le aau. O lenei meaola e na te aiina meaola niii ua taua o *polipe* o loo tutupu mai ai amu. A oo ina faateleina lenei meaola o le a faapena ona latou faatamaiaina se vaega tele o le aau ma avea ai o se tulaga pagatia o le a feagai ma le tele o meaola o loo faalagolago i le aau mo nofoaga ma mea'i. E le mafai ona faaumatia pe tapeina le alamea i le vaevaeina o lona tino aua e mafai e nei itu tino ona faatupuina mai ai nisi alamea fou. Se'ia vagana lava ua aumaia i uta i le pa'umatu e faamagoina ai.

Fuafuaga faataatitia a le Afioaga.

Ua faailoa mai e le Afioaga o le alamea o se tasi lea o faafitauli o loo i ai i le gataifale. E le gata i le faatamaiaina ai o amu ae aafia ai foi le soifua o tagata faifaiva, ma ua tuuina atu faafautuaga e le komiti Faufautua mo le Vaaia Lelei o ia ma figota (KFVL)ia fautuaga e pei ona taua.

Fautuaga

Ua fautuaina e le Komiti (KFVL), le mamalu o le afioaga ina ia faia se galuega mo le aoina mai i uta o Alamea ma faalala ai i le pa'u matu poo le tanuina foi, mai lea vaitaimi i lea vaitaimi pe a vaaia i le gataifale. Ua fautuaina foi le mamalu o le autautai ia aoina mai i uta alamea pe a vaaia.

**Fuafuaga faataatitia a le Ofisa o Faigafaiva**

O le a fesoasoani atu foi le Ofisa o Faigafaiva i auala talafeagai e tineia ai lenei meaola faalafua e ala i Pepa o faamatalaga ua maea ona saunia.



**4.7 la fa’asa le faaogaina o mea-manava (fagu ea)ma moli uila i faigafaiva i po.**

**Otootoga**

O le faaogaina o moli uila ma mea manava i faigafaiva ua molimauiina ai le tele o i’a ma figota e mafai ona fagotaina mai ai. Ua i ai le talitonuga o le a oo atu i se tulaga faaletonu i’a ma figota maua mai i le gataifale pe a faaauuina pea ona faaogaina nei ituaiga o mea fagota. O le a oo ai ina faaititia i’a ma figota e mafai ona oo atu lo latou lapopo’a e maua ai le avanoa e tautuufua ma fanafanau ai.

**Fuafuaga Faataatitia a le Afioaga.**

Ua fautuaina e Alii ma Faipule atoa ai ma aumaga o le afioaga le taofia ma faasaina loa le faaogaina o moli uila i faigafaiva (lama). Sa iloiloaina e le komiti (KFVL) ia lenei fautuaga ma fautuina loa le Fono ina ia faavaeina se tulafono e faasaina ai le toe faaogaina o moli uila ma mea manava i faigafaiva.

**Fautuaga.**

Ia aloaia ma faamalosi loa lenei tulafono e faasaina ai le faaogaina o moli uila ma mea manava i faigafaiva.

**Tulafono:**

*“Ua matua faasaina lava ona toe faaogaina moliuila ma mea manava mo fagotaga i gataifale o lenei afioaga”*

**Faasalaga:**

Soo se tasi o le a le usitaia lenei tulafono o le a molia i le tulafono o Faigafaiva a le Malo.

**Fuafuaga faataatitia a le Ofisa o Faigafaiva**

O le a fesoasoani mai le Ofisa o Faigafaiva i le faia o ni polokalame e faatatau i aafiaga o le gataifale ma ona tamaoaiga mai le faaogaina o nei ituaiga faigafaiva.



**4.8 la iloiloaina tulaga talafeagai o le faasaoina o se vaega o le gataifale ole afioaga**

**4.9 la faasalasaluina tulafono a le Afio’aga.**

**Otootoga**

O faasalalaua i leitiotelevise ma nusipepa o nisi ia o auala talafeagai lelei e momoli atu ai ni feau taua aemaise ai o le faalauteleina o ni fuafuaga ua saunia. E le gata i lea, o le a silafia ai e le mamalu o le atunuu, malamalama ma manino lelei i le aotelega o le faatauina, ma le malu puipuia o le siosiomaga o le gataifale o le afio’aga.

Fuafuaga faataatitia a le Afioga.

Ua fautuaina e le Komiti le faasalalauina o tulafono a le nuu ua faamoemoe ma faagaga mo le puipua o le siosiomaga o le gataifale ma ona tamaoaga. O le komiti o le a latou faamaopopoina aemaise le tapenaina o le faasalalauina e faatatau i tulafono e puipua ai le siosiomaga o le gataifale ma le vaai lelei o l'a ma figota.

*Autu o le faasalalauina*

“Puipua o le Gataifale o Saleapaga”.

Fuafuaga faataatitia a le Ofisa o Faigafaiva.

O tulafono uma a le afioga mo le puipua o le gataifale e tatau ona sainia e le Faatonusili o le Matagaluega o Faatoaga ma Faigafaiva ina ia avea ma tulafono lagolago (by laws).



4.10 Ia iloiloina tulaga talafeagai o le (i) Gataifale ma le (ii) Vai o le Afioga, mo le Tufaina atu ma le Faatoagaina o figota ma i'a.

Otootoga

O le tufaina atu ua faatatau lea i le talafeagai o vaega momoomia mo le faaolainao ia ma figota.

O nisi nei o atinae mo le faatupuina o figota ma ia aua mea taumafa mo se afioga. O nei auala faa-atinae e moomia ai lava le galulue filiga ma le faamaoni o le afioga ina ia ausia se taunuuga lelei.

Faamatalaga faaopo'opo - Tufaina o figota/i'a

O le tufaina atu ua faatatauina lea i le aumaia o ni figota/i'a po'o se ituaiga o figota/i'a mai se isi atunuu e faaolaina i se ogasami/vai ua talafeagai lelei. O le tufaina o le figota o le aliao i le tele o atunuu o le Pasefika ua mautinoa ai le tele o ni faamanuiaga na mafia ona seleseleina e nei atunuu. I Fiti na mafua ona toomaga iai tagata i le aano o le aliao e avea ma mea taumafa. O lona atigi na mafia ona faatauina atu e gaosi ai faamau o ofu i fale gaosi mea. I le Atu Kuki e tusa ma ma le 280 aliao na tufaina atu iai ma na mafia ona maua mai ai se aofaiga e tusa ma le 200 tone o atigi aliao i le tausaga na faatauina i fale gaosi faamau. I le 1990 na tufaina atu ai i sami o le motu o Namua i Aleipata le 40 o aliao ma e le o mai iloa tonu le tulaga ua oo iai nei aliao. I le tele o vaega o le aloalo ma le a'au o Samoa o lo'o maua ai figota e pei o le pae, asi ma le tugane. O nei figota ua mautinoa lo latou faaititia talu ai o le fagotaina e tagata mo mea taumafa ae sa faapena foi ona faatamaiaina o latou nofoaga ua le toe maua ai no figota pau le faamoemoe o le aumaia lea o ni figota mai nisi atunuu ma tufaina atu iai aua le faaolaina i nei vaega o le gataifale.

Fuafuaga Faataatitia a le Afioga

E ao i le afioga ona:

- Galulue faatasi ma faagaluega a le Ofisa o Faigafaiva i le faatinoga o le iloiloiga pe talafeagai ma lelei le gataifale ma le vai i le tufaina atu ma le faafaatoagaina o figota/i'a
- Auiliiliina o le lipoti i suesuega o le talafeagai o le gataifale ma le vai, ma ia faia se faaiuga i le faatinoina o nei atinae i totonu o Saleapaga

- Galulue faatasi mo le puipuia o nei atinae ma le va'aia o tagata o lo'o latou faamtamaia ma solia tulafono e faatatau I nei atinae.

**Fuafuaga Faataatitia a le Ofisa o Faigafaiva**

O le a o'o atu se Alii Ofisa mai le vaega suesue, ma suesueina le gataifale ma le vai o le afio'aga ina ia faamaonia le talafeagai mo le faaolaina ai o nisi o figota/l'a. O le a mafia ona tuuina atu ni figota/l'a pe afai o le a faamaonia le talafeagai o nei nofoaga mo ia atina'e.

*Pe a faataunuina leni fuafuaga, o le a:-*

- Fesoasoani mai le Ofisa e ala lea I le va'aia ma le mata'ituina o le sologa lelei o le tuputupu a'e o figota/l'a ua atina'eina.
- Saunia ni aoaoga mo le faamalamalamaina o olaga faanatura o nei figota/i'a



**4.11 Ia fa'aaogaina le Mana o Talosaga!**

**Otootoga**

O talosaga ma talitonuga tuufaatasi faa-le-lotu, o se tasi lea o faamoemoega ua talitonuina lona taua aua le puipuia ma le faasaogalemuina o le gataifale ma ona tamaoaiga.

**Fuafuaga Faataatitia a le Afio'aga**

O le sao taua o le au-failotu, o le unaia lea ma faamalosi i tagatanuu ina ia latou faatauaina le puipuia ma le faasaoina o le gataifale ma ona tamaoaiga.

O le tuufaatasia o finagalo o tagata ina ia galulue faatasi e foia ai foi faafitauli o loo alia'e mai i le gataifale ma ona tamaoaiga.

Ua lagolagoina foi e le Komiti leni fautuaga ma fautuaina ai le galulue faatasi o le aufailotu ma le mamalu o le afio'aga.

**Fuafuaga faataatitia a le Ofisa o faigafaiva**

O le a mafai ona tuuina atu ni fesoasoani mai le Ofisa mo le mamalu o le au-fai lotu e ala i pepa o Faamatalaga ma Tautalaga ina ia fesoasoani i le tapenaina o a latou lauga ma aoaoga mo le puipuia ma le faasaoina o le siosiomaga o le gataifale ma ona tamaoaiga.



**4.12 Ia unaia faigafaiva i tua'au ma aoaoga mo faigafaiva**

**Otootoga**

O vaega ua tele ona faaleagaina i fagotaga o le aloalo ma le a'au. E mafai ona faaleleia le tamaoaiga o i'a ma figota maua ia vaega uma o le gataifale, pe afai ae

faatitia le fagotaina. O se tasi o auala e faaleleia ai le tamaoaiga o le gataifale, o le fagotaina lea o ogasami e lei fagotaina lava. O se faataitaiga lelei o le fagotaina lea o le tua'au mamao.

Ua iai le talitonuga i le Komiti e ao ona unaia ma faamalosia faigafaiva i tua'au mamao ina ia tuu-mamaina ai le faaleagaina o le aloalo ma le a'au.

O le a mafai ai ona faatupulaia ma faaleleia ai le tamaoaiga o le gataifale ua faaleagaina.

#### Fuafuaga faataatitia a le Afioaga

la talosagaina le Ofisa ina ia faatinoina se aoaoga i auala tau faigafaiva e aoaoina ai le au tautai o le nuu. O lenei aoaoga ia faatautaia e se alii Ofisa ua iai le tomai faapitoa.

#### Fuafuaga faataatitia a le Ofisa

O le a iloiloina e le Ofisa manaoga i auala tau faigafaiva e ao ona fesoasoani ai e aoaoina ai le mamalu o le au tautai o le afioaga. O itu taua o le a aafia i nei aoaoga e pei o le:

- teuina ma le vaaia lelei o i'a (*tuu aisa*)
- saogalemu i luga o le sami
- tausiga o afi va'a
- fa'aasuina o i'a

O nei fesoasoani uma o le a faataunuaina pe afai o le a faatalosagaina mai e le afioaga.



### 5: TALOSAGA

O nei talosaga sa tuuina mai e sui o le afioaga sa auai i le faatalatalanoaga o vaega e tolu ma le Ofisa. O talosaga uma na tuuina mai ua faamautuina e le Komiti i le latou fonotaga ma le Ofisa.

O talosaga uma sa tuuina mai o loo faailoa atu i lalo:

- faasao
- faisua
- tilapia
- nisi figota
- aoaoga tau faigafaiva



## 6: TOE ILOILOINA O LE POLOKALAME

### Otootoga

O le toe iloiloina o le tusi taiala o le afioaga mo lona agai i luma ma le toe suesueina ina ia faailoa ai le aoga ma le taua o lenei polokalame i totonu o nuu ma afioaga, aemaise se auiliiliga mamaututu i le tulai mai o galuega fai ale afioaga ma le Ofisa.

O lenei foi iloiloga e lipotia ai le alualu lelei ma ni faaletonu i totonu o le polokalame talu ona faavaeina.

### *Fuafuaga faataatitia a le Afioaga ma le Ofisa*

Ua iai le maliliea a le Komiti ma le Ofisa o le a toe auiliiliina ma toe teuteu lenei fuafuaga tatau pe'a maea le fono ono masina talu ona pasia lenei tusi taiala i le fono tele i le aso 07 Tesema 2001.

O le a toe feutagai ai le Komiti ma le Ofisa i se aso o le'a atofaina pea atoa le ono masina.